Morning Gojri News Bulletin

13 November 2024 ما رنینگ گو جری نیو ز بلیٹن مو رخہ13 نومبر 2024 1015Hrs

یوہ آکا شوانی جموں ہے محبوب سلطانی تیں خبر سُنو۔ CM Indus Treaty

وزیر اعلیٰ عمر عبداللہ نے پچھلے تہاڑے سندھ آبی سمجھوتا غا جموں کشمیر ور اثر نانہہ اُجاگر کیو۔ اُنہاں نے کہیو جے اس سنگ جموں کشمیر جہیڑو دریا توں مالا مال ہے لیکن بجلی غی بڑی صلاحیت نانہہ باندے آنن توں محدود ہو جا ئے۔ وزیر اعلیٰ نے کہیو جے سمجهوتا غي ركا والله غي وجم تول جمول كشمير نانبم سرديال غا مبينم مانبم بجلي غي پیداوار کہٹ ہون تو اک بڑی قیمت نانہہ چکانو پے۔ اُنہاں نے اِنہاں گلاں غو اظہا ر پچھلے تہاڑے ریا ستاں تے مرکزی زیر انتظام علا قاں توں تعلق رکھن آلا بجلی غا وزراء غی اک کا نفرنس غے دوران بولتاں واں کیو۔ واضع رہ جے وزیر اعلیٰ نے بجلی غی وزارت غو وی عہدو سنبھالیو ہے۔ اس کا نفرنس غی صدارت بجلی غا مرکزی وزیر منو ہر کر رہیا تھا۔ اس کا نفرنس غے دوران بولتاں واں جناب عمر عبداللہ نے اس گل نانہہ اُجاگر کیو جے سنده آبی سمجهوتا غی وجہ توں جموں کشمیر نانبہ صرف چلتا دریا ور پروجیکٹاں غی اجازت ہے جہیڑی بجلی غی صلاحیت نانہہ باندے آن مانہہ بڑی رکاوٹ ہے۔ اُنہاں نے کہیو جے جموں کشمیر نانبہ بھارت سرکا ر غی طرفوں خصوصی معاوضو دینو چاہیے تانجے اپنی غیر استعمال پا نی توانائی غی صلاحیت نانہہ باندے آنیو جا سکے۔ اُنہاں نے مزید کہیو جے اس مدد سنگ نہ صرف خطہ غی توانائی ضروریات نانہہ پورو کرن مانہہ مدد ملے غی بلکہ قومی سطح ور صاف توانائی غا ہدف مانہہ وی اک تعاون ملے گو۔ وزیر اعلیٰ نے مرکزی غی مداخلت غو مطالبو کر تال وال مرکزی عوامی شعبہ غا ادارال جن مانہہ یی ای ایس ایل قومی تھرمل بجلی کا ریو ریشن نانبہ نقصانات نانبہ کہٹ کرن آلا کماں نانبہ تیز کرن با رے جواب دھے بنان غی گل بات کی۔

Dy CM Rajouri

نا ئب وزیر اعلیٰ سریندر کمار چودھری نے پچھلے تہاڑے اک میٹنگ منعقد کر غے پر دھان منتری گرام سڑک یو جنا پی ایم جی ایس وائی، عوامی کماں با رے محکمہ پی ڈبلیو ڈی تے سرحدی سڑک تنظیم بی آر او غی طرفوں کیا جا رہیا بڑا سڑک رابطہ پروجیکٹاں ور ہو ئی پیش رفت غو جائزو لیو۔ اس میٹنگ غو مقصد چل رہیا کماں با رے جانکا ری حاصل کرنو تانجے ویلے سر انہاں نانہہ پورو کیو جا سکے۔ اس میٹنگ مانہہ قانون ساز اسمبلی غا ممبر جا وید چودھری تے افتخار احمد وی موجو د تھا۔ جنہاں نے اِت سڑک رابطہ غی متعلقہ حلقاں مانہہ اہمیت نانہہ اُجاگر کیو۔ نا ئب وزیر اعلیٰ نے ہر اک پروجیکٹاں مانہہ معیا ری کم کاج کرن تے ویلے سر پورو کرن نانہہ یقینی بنان ور وی زور پایو۔ اُنہاں نے متعلقہ افسراں نانہہ ہدایت جا ری کرتاں واں کہیو جے اپنا کماں نانہہ ایمانداری تے لگن سنگ انجام دین غے نال اُن رکاوٹاں غی پشان کر غے دور کریں جہیڑی پروجیکٹاں نانہہ سنگ انجام دین غے نال اُن رکاوٹاں غی پشان کر غے دور کریں جہیڑی پروجیکٹاں نانہہ سنگ انجام دین غے نال اُن رکاوٹاں غی پشان کر غے دور کریں جہیڑی پروجیکٹاں بانہہ ویلے سر مکمل کرن تے معیا ری کم کاج مانہہ دقت بن رہی ہیں۔

Security Review

فوج غی شمالی کمانڈ غا کمانڈر لیفٹنٹ جنرل ایم وی سچندرا کمار نے پچھلے تہاڑے وائٹ نائٹ کو ر غا صدر مقام غو دورو کر غے کا روائی تیاریاں غو جائزو لیو۔ اُدھم پو ر مانہہ واقعہ شمالی کمانڈ غا کمانڈینگ بارے جنرل افسر غو 16 کو ر غا صدر مقام غو یوہ دورو ایسا وقت مانہہ کیو گیو ہے جد کشتواڑ ضلع غا دور دراز جنگلاتی علاقہ مانہہ دہشت گرد مخالف کا روائی نانہہ تیز کر دتو گیو ہے۔ واضع رہ جے پچھلا 5 تہاڑاں مانہہ 2 بکھ بکھ دہشت گرداں حملاں مانہہ اک جے سی او تے دو گرائیں دفاعی گارڈز نانہہ دہشت گرداں نے شہید کیو تھو۔ اس ضمن مانہہ وائٹ نائٹ کو ر غا کمانڈینگ با رے جنرل افسر لیفٹنٹ جنرل نوین سچدیوا نے کشتواڑ غو دورو کر غے اُت دہشت گرد مخالف چل رہی کا روائی غو جائزو لیو۔ حفاظتی ذرائع نے دسیو ہے جے کشتواڑ غا کیشوان تے کُنتواڑہ غا کول کال

غا جنگلاتی علاقہ مانہہ بڑا پیمانہ ور تلاشی کا روائی اج 7 ویں تہاڑے وی جا ری ہے۔ جموں زون غا اے ڈی جی پی انند جین نے پچھلے تہاڑے اُدھم پو ر ضلع غا بسنت گڑھ غو دورو کر غے حفاظتی کا روائیاں غو تفصیلی جائزو لیو۔ اے ڈی جی پی غا اس دورہ غو مقصد مقامی پولیس غی طرفوں تیاریاں غو جائزو لینو تے مقامی لوکاں غی حفاظت نانہہ یقینی بنانو تے اُبھرتا خطرات با رے گل بات کرنو تھو۔

## **Sports Minister**

کھیڈ تے نوجوان خدمات با رے وزیر ستیش شرما نے پچھلے تہاڑے اس گل ور زور پاتاں واں کہیو جے سرکا رکھیڈ غا اصل ہُتر رکھن آلاں نانہہ اگے بدھان غی وعدہ بند ہے۔ انہاں نے اس گل غی یقین دھانی کرواتاں واں کہیو جے کسے وی شخص تے گروپ نانہہ کھیڈاں غا شعبہ نانہہ سیا سی بنان غی اجازت نہیں دتی جا ئے گی۔ جناب ستیش شرما نے کہیو جے مستحق کھلاڑیاں نانہہ ہر ممکن مدد فراہم کی جا ئے گی اس غے نال نال اُن غو مزید کہنو تھو اگر کسے نے وی کھیل اداراں نانہہ اپنا ذاتی مفاد واسطے استعمال کیو تاں انہاں نانہہ باہر غو رستو دسیو جا ئے گو۔ واضع رہ جے اُنہاں نے اِنہاں گلاں غو اظہا ر پورا مُلک مانہہ منعقد کی جا رہی68 وی قومی سکول کھیڈاں غے تحت 14 بہراں توں کہٹ عمر غا گیراں تے کالسریاں غی فینسینگ چمپئن شپ غی شروعات غے دوران جموں یو نیو رسٹی مانہہ کیو۔ وزیر موصوف کہیو جے قومی سکول کھیڈ نانہہ مُلک غو سب توں اہم پلیٹ فارم قرار دیتاں واں کہیو جے اِت اسکول غا کھلاڑی اپنا ہُر نانہہ دس غے قومی سطح ور مقابلو کر سکیں۔ اُنہاں نے والدین، کھیڈاں غا اُستاداں تے دیگر غو شکریو ادا کیو جہیڑا نوجوان کھڈاریاں نانہہ ہر ممکن مدد فراہم کرن تے کھیڈاں غی تقریب شکریو ادا کیو جہیڑا نوجوان کھڈاریاں نانہہ کامیاب بنان مانہہ اک بہترین کردار ادا کریں۔

\*\*\*\*\*

## Labour Commissioner

لیبر کمشنر جہیڑا کہ کا رخاناں غا اعلیٰ انسپکٹر وی ہیں نے اک نوٹس جا ری کر غے تمام کارخاناں غا مالکاں، منیجر تے کا رخانہ چلان آلاں نانہہ کہیو ہے جے ضروری اندراج تے لائسنس گا عمل لیبر محکمہ مانہہ مکمل کریں۔ یوہ نوٹس اُن کارخاناں غا مینجر تے مالکان واسطے ہے جنہاں نے اجاں تک ضروری اندراج تے لا ئسنس غا عمل نانہہ پورو نہیں کیو ہے۔ یوہ نوٹس مزدوراں غی حفاظت،صحت تے بہبود غے نال نال کارخانہ با رے قانون 1948 غی دفاعات غے تحت جا ری کیو گیو ہے۔ جموں کشمیر مانہہ کا فی سارا ایسا کا رخانہ ہیں جنہاں نے قانونی طو رور لا زمی اندراج نانہہ لیبر محکمہ سنگ پورو نہیں کیو ہے۔ لیبر کمشنر نے کا رخاناں غا مالکان تے منیجر نانہہ 20 تہاراں غے اندر اندراج تے لائسنس غا ضروری عمل نانہہ مکمل کرن با رے کہیو ہے۔ نال ہی نال جنہاں غا لائسنس غی معیا د ختم ہو گئی ہے اُنہاں نانہہ کسے وی کا روائی توں بچن واسطے 7 تہاڑاں اندر اپنا لا ئسنس غی معیاد نانہہ بدھان با رے کہیو گیو ہے۔

اس غے نال ہی خبراں غو یوہ بلیٹن ختم ہوؤ۔